



KUVENDI I KOMUNËS

Bazuar në nenet 11 dhe 12.2 shkronja d) të Ligjit për Vetëqeverisje Lokale nr.03/L-040, në pajtim me nenin 9 të plotësuar dhe ndryshuar me nenin 2 të Ligjit nr.08/L-224 për ndryshimin dhe plotësimin e Ligjit për Tatimin në Pronën e Paluajtshme nr.06/L-005, nenet 14 dhe 15 të Statutit të Komunës së Podujevës nr.prot.01-020/01-0050862/18 të datës 29 qershor 2018, Kuvendi i Komunës së Podujevës, në mbledhjen e mbajtur më 12 shtator 2024, miratoi këtë,

V E N D I M PËR CAKTIMIN E NORMAVE TATIMORE PËR TATIMIN NË PRONËN E PALUAJTSHME PËR VITIN 2025

Neni 1

Shkalla tatimore progresive

1. Caktohen normat tatimore për vitin 2025 për të gjitha vlerat e pronave në territorin e Komunës së Podujevës, sipas vlerës së kombinuar të të gjitha pronave të paluajtshme të tatimpaguesit, si vijon:

- 1.1. Për vlerën e pronave deri në njëqindmijë (100,000.00) euro, caktohet shkalla tatimore në lartësinë prej 0.10%;
- 1.2. Për vlerën e pronave mbi njëqindmijë (100,000.00) euro, caktohet shkalla tatimore në lartësinë prej 0.20%, plus tatimi nga nën-paragrafi 1.1 i këtij neni,
- 1.3. Për vlerën e pronave mbi pesë qind mijë (500,000.00) euro, caktohet shkalla tatimore në lartësinë prej 0.30%, plus tatimi nga nën-paragrafët 1.1 dhe 1.2 të këtij neni.
- 1.4. Për vlerën e pronave mbi një milionë (1,000,000.00) euro, caktohet shkalla tatimore në lartësinë prej 0.40%, plus tatimi nga nën-paragrafët 1.1, 1.2 dhe 1.3 të këtij neni.
- 1.5. Për vlerën e pronave mbi pesë milion (5,000,000.00) euro, caktohet shkalla tatimore në lartësinë prej 0.50%, plus tatimi nga nën-paragrafët 1.1, 1.2, 1.3 dhe 1.4 të këtij neni.

2. Normat tatimore sipas këtij neni caktohen konform nenit 9 të plotësuar dhe ndryshuar me nenin 2 të Ligjit nr.08/L-224 për ndryshimin dhe plotësimin e Ligjit nr.06/L-005 për tatimin në pronën e paluajtshme.

Neni 2

Zbatimi

Për zbatimin e këtij vendimi obligohet Drejtoria për Buxhet dhe Financa - Zyra e Tatimit në Pronë.

Neni 3

Hyrja në fuqi

Vendimi hyn në fuqi 15 ditë pas regjistrimit në zyrën e protokollit të Ministrisë së Pushtetit Lokal si dhe 7 ditë pas publikimit në web faqen zyrtare të Komunës, përkatësisht konform nenit 81 të ligjit për vetëqeverisje lokale nr.03/L-040, dhe nenit 9 paragrafi 8 të Rregullores (QRK) nr.10/2019 për shqyrtimin administrativ të akteve të komunave me plotësim ndryshimet e bëra me Rregulloren nr.06/2021, dhe i njëjti zbatohet nga data 01 janar 2025.

Nr.Prot. 01-432/02-0062396/24
Podujevë, datë, 12 shtator 2024

